

შინაური საქმეები.

საქართველოს კვირული გაზეთი

№ 13.

შასი ორი შაური

წლიური ფასი 5 მან

წლის დამლევამდე

1 მ. 70 კ.

წელიწადი მეშვიდე.

კვირა 27 ენკენისთვე 1915 წ.

სად არის შებრალება?

როგორც ვიცით, ქუთაისის სასულიერო სასწავლებელს წელს ბევრი მთხოვნელი მოაწყდა. აიხსნება ეს ერთი მხრით უფასო სწავლით და მეორე მხრით წრევანდელ—შარშანდელი მოუსავლობით და გაქირვებით. სხვათა შორის დიდი გავლენა უნდა ჰქონოდა ამ ამავსე განათლების მინისტრის ცირკულიარს, რომლითაც სემენარიის მეოთხე კლასი უთანასწორდება გემნაზიის მერვე კლასს უნივერსიტეტში შესასვლელი უფლებით. ასეა, თუ ისე, მთხოვნელები ოთხჯერ მეტი იყვნენ, ვიდრე ადგილი მოიპოვებოდა და ამიტომ აუარებელი ნაწილი მთხოვნელებისა დაუკმაყოფილებელი დარჩა. მშობლებმა სასწავლებლის მმართველობას მიმართეს და სთხოვეს გაეხსნათ დაბალი მოსამზადებელი კლასის პარალელური განყოფილება მათივე (მშობლების) ხარჯით, მაგრამ ცივი უარი მიიღეს. ასეთივე უარით გამოისტუმრა ივინი მისმა მეუფებამ ებ. გიორგიმაც. მშობლებმა იმედი არ დაკარგეს და სავანებოთ კაცი გაგზავნეს ექსარხოსთან საშუამდგომლოთ. როგორც შუამავალი იუწყებოდა გაზ. „სამშობლოს“ ფურცლებზე, ექსარხოსმა ნება დართო გაეხსნათ სასურველი განყოფილება. ერთ ხანზე იმედიც იყო, რომ გაიხსნებოდა, რის შესახებ მოწოდებაც გამოუშვა შუამავალმა მშობლებისადმი, რომ შეილები ჩამოეყვანათ. ეხლა, როგორც ირკვევა, საქმე აკრე ადვილი მოსაგვარებელიც არ ყოფილა.

ექსარხოსის განკარგულებას, თუ სურვილს, ძალიან გულგრილად შეხედვრია ადგილობრივი მთავრობა. სასწავლებლის ზედამხედველს ისეთი მოთხოვნები წარუდგენია მშობლებისათვის და იმოდენა სმეტა შეუდგენ—ამდენსაც ივინი ვერ შეიძლებენ. ამ გვარად ადგილობრივი მთავრობის წყალობით, იმ მთავრობის, რომელიც უნდა სცილობდეს, რაც შეიძლება ფართოდ მოეფინოს ქვეყანას სასულიერო სწავლა განათლება, საქმე იფუჭება და კაცი მშველელი არ არის. არ არის კაცი, რომელსაც გული შესტკიოდეს ჩვენი დაბეჩავებელი ქვეყნისათვის და გაქირვებაში ხელს უწყვიდეს მას. ბევრს რასმე ვიტყოდით სასწავლებლის მთავრობის უგულობაზე, რომელსაც სასწავლებელი და მოსწავლენი იმდენად აინტერესებს, რამდენადც იგი ცხოვრების საშუალებას აძლევს მათ აღმატებულებას, მაგრამ რაღა გვეთქმის....

კლასიკურმა გემნაზიამ კი, მგონი, მესამე პარალელური კლასი გაუხსნა პირველ კლასს იმავე მშობლების ხარჯით. რა ვსთქვათ, როგორ ვიანგარიშოთ!? ნუთუ სასულიერო უწყებაში საქმე არ გამოსწორდება? ნუთუ შებრალება და შეწყობება აღარ არის ამ წოდებაში?!.... მახლას!

ხელი.

უადგილო შიში.

(დასასრულე.)*

(აქარელ-ქაბულეთლების გათვითცნობიერების შესახებ) ალამიანის დამოკიდებულება ბუნებასთან განისაზღვრება მისი აზროვნების, მისი რელი.

* იხ. „შინ. საქ.“ № 12. ამავე საგნის შესახებ შემდეგი ნომრიდან დაიწყებთ მისი მეუფების ე. ს. ლეონიდის წერილების ბეჭედს. რამდ.



გიური პრინციპების მიხედვით. თუ ძველები ამბობდნენ: დაილაპარაკე რომ გიცნო, ვინ ხარო, ეს იმას კი არ ნიშნავს რაღაც უაზროდ წაიბუტბუტეო, არამედ იმას, თუ გაამყდენე შენი ცხოვრების პრინციპები და მაშინ გიცნობ როგორ აღამიანთა ჯგუფს ეკუთვნისო. ეს კრიტერიუმი აღამიანის მიმართულების შემოწმებისა, დღესაც ძალაში რჩება. აღამიანი იმას იძახის, რაც სულში და გულში აქვს გაბნეული, რასაც მას უკარნახებს მისი მსოფლმხედველობა, განსაკუთრებით რელიგიური, ე. ი., მოკლეთ რომ ესთქვათ „კოკასაშიგან რაცა სდგას, იგივე წარმოსდინდების“, როგორც მკაფიოდ გამოსთქვამს შოთა რუსთაველი.

მახმადიანის მსოფლმხედველობა ასეთია: არის ერთი ღმერთი—აღლახი ღ წინასწარმეტყველი მისი მახმადი და წარმომადგენელი მათი ან, უკეთ რომ ვსთქვათ, მეორე აღლახი და მახმადი-პადიშახი—ქვეყნიური ღმერთი. მახმადიანების გარეშე არსებობენ მხოლოდ გაიურები, რომლებიც ღირსი არ არიან კაცად წოდებისა. ამ პრინციპის ძალით ხელმძღვანელობს და მოქმედობს მახმადიანი ქართველიც, და ამიტომ გასაკვირალი არ არის ასლანბეგზე ზემოხსენებული თქმულება.*) აშკარაა, რომ ასეთი პრინციპის მატარებელ საზოგადოებას არ შეუძლია ვისმეს შეუერთდეს, ვინმე იძმოს და იმეგობროს, გარეშე თავის ერთმორწმუნე ხალხისა.

თქმა არ უნდა, აქარაში არიან საქართველოს მეგობარნი და მოყვარულნი, მაგრამ ისინი არც არიან ოსმალურად მოაზროვნენი, და არც ქრისტიანულ სარწმუნოებას გაექცვიან, რომ ცხოვრების პირობები ხელს უწყობდნენ. ასეთი პირობის იდეალი ის არის, რომ თავისი შეილები ნახონ ქართველებთან ყოველი მხრივ შედულ-შესისხლ-ხორცებული, მაგრამ ვიმეორებთ ასეთი პირობი ძრიელ ცოტა უნდა იყვნენ ჯერ მაინც.

სწორედ ერთ ასეთ პირს გვიხატავს ბ. „მნახველი“ „სახ. ფურცლის“ 373 ნუმერში, რომელზედაც შენიშვნაში ამბობს: „ეს გახლდათ იშვიათი აღამიანი (ჩვენ ვიტყვით, მახმადიანი ქართველი) შ. ალაზაქრიძე.“

*) იხ. „შინ. საქ.“ №12

ღიად ასეთი ალა-ზაქრიძეები ძრიელ იშვიათი შემთხვევაა აქარაში; უმეტესი ნაწილი და ჩვეულებრივი მოვლენა კი აღაგორგოდისა და ასლანბეგის ტოპის აღამიანები გახლან, რომლებიც არათუ სარწმუნოებას, ქართულ ენასაც არ იკარებენ, ქართულ ენასაც გაურბიან და გაურბიან იმიტომ, რომ ყველაფერს სარწმუნოების თვალსაზრისით ზომიერად ენასაც, ეროვნებასაც და სწავლა-განათლებლასაც. რომ აქარელი ქართველობა ისეთივე რელიგიური ინდეთერფენტიზმით იყოს გაყდენთილი, როგორც ჩვენი ქართველი ინტელიგენცია, თქმა არ უნდა, ჩვენი ურთიერთშობის დაკავშირება ადვილია, მაგრამ მაგარიც ის არის, რომ მახმადიანი ქართველებისათვის ისლამი ყველაფერია, ყურანი ცხოვრების საფუძველიცაა და, ქვაკუთხედიც, როგორც ქეშმარიტი ქრისტიანებისათვის ქრისტიანობაა. ხოლო ყურანი და ისლამი არ თმენულობს თავის გვერდში სხვა სარწმუნოების აღმსარებელს.

ამის ცხად მაგალითს წარმოგვიდგენს მახმადიანებული საინგილო, რომელმაც ენაც კი სრულიად დაივიწყა და ლეკურ-ადერბეიჯანის ენაზე გადავიდა. გაზ. „Ков. с. ПОВО-ს“ კორესპონდენტი ბ. „ნარი“ შენიშნავს, რომ ენის მოსპობა საინგილოს გაქრისტიანების ცდამ გამოიწვია მე ნი წლებშიო, როცა სოფლებმა განაჩენებიც კი გამოიტანეს არც ქართულად ვილაპარაკოთ და ცოლებიც დაღესტნიდან მოვიყვანოთო. ჩვენ ეჭვი არა გვაქვს, რომ ასეთი მისწრაფება საინგილოში აღრეც იქნებოდა რელიგიური მოსაზრების ზეგავლენით და თუ მესამოცე წლებში პროცესი სრული მახმადიანობისა ჩქარის ნაბიჯით გაეშურა წინ, ეს იმის მაჩვენებელია, რომ რელიგიური მოტივი ეროვნების მთლიანობაში უფრო დიდი ყოფილა, ვიდრე სხვა მოტივები, მაგ. სისხლით ნათესაობა, ენა, ზნეჩვეულება და სხვა.

ერთი შეხედვით გასაკვირვალა სპარსეთის მახმადიან ქართველების განვითარებული ეროვნული გრძნობანი. როგორც გადმოგვცემენ, მათ შენახული აქვთ ქართული ენა, ზნეჩვეულება და სხ. და არავითარი ერთობა არ

აქეთ ბუნებით სპარსელებთან, არაფერი არ აერთებსთ მათთან, გარდა ისლამისა. ეს პირველი შეხედულებით გასაკვირვალ მოვლენა ჩვენი აზრით იმის ბრალია, რომ სპარსეთის ქართველებს ბევრი ქრისტიანული ზნე და ჩვეულებები შეუნარჩუნებიათ, ასე რომ არც კი ითქმის მათი სრული მახვადიანობა. და რომ გარემოება ხელს უწყობდეს, სპარსეთის ქართველები სრულებითაც არ დაიწყებენ ჯიუტობას სარწმუნოების გამოცვლაში, რადგან კარგათ აქვსთ შეთვისებული, რომ მათი დედა სარწმუნოება ქრისტიანობა იყო.

რომ სარწმუნოება უძლიერესი კავშირია ეროვნების მთლიანობის საქმეში ამას ცხადზე უცხადესათ საქართველოს ებრაელობაზე ვხედავთ. ეს ხალხი უხსოვარის დროიდან საქართველოში სცხოვრობს, ქართულად ლაპარაკობს, მაგრამ მისი ქართველებთან ეროვნულად შეკავშირება ისტორიამ ვერ მოახერხა. ებრაელი ებრაელად რჩება ყველგან, სადაც კი სცხოვრობს და რჩება თავის რელიგიურ პრინციპების გამო. საქმარისია, ჩვენებურმა ებრაელმა ქრისტიანობა მიიღოს, მიიღოს გულით, რომ ერთბაშით შეადუღდეს ქართველ ეროვნებას. ასეთი მაგალითები ბევრია ჩვენს ისტორიაში. მთელ გვარეულობას უჩვენებენ, რომლებიც ჩამომავლობით ებრაელები არიან, მაგრამ დღეს ვერაფერ იტყვის, რომ იგინი ქართველები არ იყვნენ.

ასეთი ძალა აქვს სარწმუნოებას ეროვნების ერთიანობაში და, მივიჩნის, რათ ვიხვევთ თვალს, რათ ვფიქრობთ, რომ მახმადიან ქართველების შემოკავშირება შესაძლებელია გარეშე სარწმუნოებისა და თუ ასეა რათ გვეშინია, რომ ქეშმარიტებას პირდაპირ შეეხედოთ.

მახმადიანობა კი არა, სომეხ-გრაგორიანობა ხომ იგივე ქრისტიანობაა და რამდენი ქართველი ოჯახი მოგვტაცა, რომლებიც დღეს სრულ სომეხებად აღიარებენ თავს და არც კი უნდათ დაიჯერონ, რომ იგინი ტომით ქართველები არიან. ბ. ზ. კიკინაძე ბევრ ასეთ გვარეულობას გვისახელებს, „რომლებიც დღეს ენითაც სომეხობენ და ტომითაც“ (ხაზი ჩვენი) ასეთები არიან: გორგაძიანელები, გოგიაძეები, ზურაბიანელები, ალიხანოვები, ლო-

ლაძეები, მოსესიანელები, წერეთლები და სხ. ამათ სხვა-და-სხვა დროს მიუღიათ სომეხ-გრაგორიანობა და ისიც სრულიად შემთხვევით, მტრის შიშის გამო, და დღეს არც-კი უნდათ გაიგონონ, რომ იგინი დიდი ქართველები არიან.

ვისაც ჩვენთან ერთობა უნდა ის ჩვენ პრინციპებს უნდა იზიარებდეს, თუ ასე არ მოხდა შეერთება არ იქნება სრული. არა კმარა, რომ ხორცილ დასისხლით ერთი ვიყუვით, საჭიროა სულზე ერთი გვექონდეს, ერთ მიზანს ვემსახურებოდეთ, ერთი რწმენა, ერთი რელიგია გვაერთებდეს. თუ ქართველი მახმადიანები ამ ქეშმარიტებას ორთავ თვალით უყურებენ, ჩვენ რისა გვეშინია, როცა მათზე რიცხვითაც მეტნი ვართ, სწავლა-განათლებითაც და კულტურითაც. რათ მიგვაჩნია სირცხვილად სარწმუნოებაზე ლაპარაკი, ასეთ სარწმუნოებაზე, რომელიც ყოველგვარ ძალდატანებას ერიდება და მხოლოდ ადამიანის ნებაყოფლობაზე და კეთილ-გონიერებაზე მოქმედობს. სხვა საქმეა ისლამი, რომელიც თავის გასავრცელებლად ცეცხლსა და მახვილსაც კი არ ერიდება. ჩვენი აზრით საქმე სწორეთ სარწმუნოებიდან უნდა დავიწყოთ. უნდა მოვავაზოთ ჩვენ თანამებს, რომ იგინი ქრისტიანები იყვნენ, რომ მათგან გამოვიდნენ ისეთი სასულიერო და საერო მნათობები, როგორც იყვნენ გრიგოლ ხანძოელი, შოთა რუსთაველი და სხ. და სხ.

ჩვენ, რა თქმა უნდა, მომხრე არა ვართ ოფიციალური მისსიონერებისა და არც გვსურს ასეთი მქადაგებლები გავიდნენ მახმადიან ქართველებში. რელიგიური ქადაგება უნდა მოხდეს თავისუფალ აზრთა გაცვლაგამოცვლით და წიგნებ წიგნაკების ზეგავლენით. თქმა არ უნდა, ქართველ მახმადიანებს ნება ექნებათ თავის სარწმუნოება დაიცვან და კიდევ პირაქეთ შემოგვთავაზონ იმავე საშუალებით. თუ გულ-წრფელია ჩვენი სურვილი ერთმანეთის გაცნობისა და გაერთიანებისა, არც უნდა გვრცხვენოდეს, რომ ერთმანეთი ყოველი მხრით გავიცნოთ და საუნჯობესო ნიადაგზე შევეერთდეთ. თუ არა და ჩვენი გაერთიანება

არ მოხდება და თუ მოხდასრული და ხანგრძლივი არ იქნება.

ერთი საუკეთესო საშუალება თავიანი ერთმანეთთან დაახლოებისა, ისიც იქნება, თუ ჩვენ აქარელ უმაწვილებს წამოვიყვანთ ყოველ წლობით არა ნაკლებ 2—3-სა და აღზრდიან მათ ჩვენ ზნეჩვეულებაში და შემდეგ გაუშვებთ თავის სამშობლოში სამოქმედოთ. ამისთვის არც თვით აქარლები გვერიდებიან. ამასწინათ მის მეუღლებს, ლეონიდ ებისკოპოსს, აქარელი ქართველი მოლა სწვევია და უთხოვნი რამდენიმე აქარელი ბავში წაიყვანეთ და აღზარდეთო. მის მეუღლებასაც ქუთაისის ქართული გემნაზიის გამგეობისთვის გაუგებნებია, რომელსაც ორი ბავში მიუღია თავის ხარჯზე.

რადგან ასეთი მოძრაობა უკვე დაიწყო, ურიგო არ იქნება, რომ შესდგებოდეს საზოგადოება მახმადიან ქართველთა ყრმების (განურჩევლად სქესისა) აღზრდისა. ჩვენი ეროვნული შკოლებიც არ დაიხვეწენ ამ საქმეში უკან და აღვიღს მისცემენ ასეთ შაგირდებს. ხსენებულმა საზოგადოებამ, რომ შესძლოს წელიწადში 3—4 ათასი მანეთის გაღება ნ-ს ბავშს მინც გამოზრდის ყოველ ათ წელიწადში და ეს ქართულ ზნეჩვეულებაში აღზრდილი ბავშვები უფრო მეტს გააკეთებენ ჩვენი შეერთებისათვის, ვიდრე მთელი ჩვენი ეხლანდელი განგაში და რაღაც უმნიშვნელო გროშების რაჩხარუჩხი, რომელიც ვერავის ვერ აგრძნობინებს ეროვნულ ერთობას და ვერ გადმოაყრვეინებს სისნანულის ცრემლებს ასი წლის დაშორებისათვის.

უკიდურესი.

გაცრუებული იმედები.

(გუბლენი მ-რე მწიკს)

სადა ხარ, ჩემო ძმობილო!
რათ არ მიღვიხარ მხარშია,

რათ არა მშველი ბეჩავსა,
ამ მწარე ვასაქირშია?!
აოხრდა ზიარი ყანა,
მოკაშა ქვეყნის ღორებმა,
სახლში წიწილა გამიწყდა,—

კრუხნი წამართვა ქორებმა....

გამიწყდა მარტოს ილაჯი,
ვერ ვხედავ გვერდში მშველელსა;
ვერც ხბოს ვინახავ, ვერც ძროხის,
ვერც ფურსა უხვად მშველელსა.

დამიქრა კერა მგზნებარე,
გაცივდა სახლი ეული,
ქურდმა, ბაცაცმა წალეკა
მოვლა-შენახვას ჩვეული.

შენ არ იყავი, ძმობილო,
რომ მპირდებოდი შველასა,
გავიზრდებოო მითხრობდი
და პასუხს გავსცემ ყველასა?

ეხლა ხომ დიდი ბიჭი ხარ,
მკლავიც მაგარი გავიხდა,
ძალ-ლონეც შეგწვეს, გონებაც,
გულის-წადილიც ავიხდა.

მაშ რაღას ყოვნი, ძამიავ,
რათ არ მიღვები მხარშია,
რათ არა მშველი ბეჩავსა
ამ მწარე ვასაქირშია?

ხელი.

თეატრი სოფელში.

(დასასრული)

თუგინდ რო ათასნაირი მოღური სახელი გვიწოდონ, უნდა საქვეყნოთ აღვიაროთ, რომ ჩვენ არა ვართ მომხრე საზოგადოთ თეატრისა და წინააღმდეგი ვართ განსაკუთრებით სოფლის თეატრისა, რომელიც ჩვენი ღრმა რწმენით არაფერს სიკეთეს შეიტანს ხალხში, გარდა ზნეობრივი გათახსირებისა და გემოვნების გარყვნისა ხელოვნურ შემოქმედების დაფასებაში. და ეს იქნება შედეგი იმისა, რომ 1) თეატრი სრულებით არ არის ზნეობის მასწავლებელი, 2) თეატრში მოსიარულე ხალხი თვით უნდა იყოს სალი ზნეობრივი პრინციპების მატარებელი და 3) სოფლის თეატრი ვერასოდეს ვერ იშოვნის ნამდვილ ხელოვანს. რომ სცენა ზნე-

ობის მასწავლებელი არ არის ეს ყველასათვის თვალსაჩინო უნდა იყოს. სცენაზე ერთნაირი ენერჯით მოქმედებს როგორც სიკეთე, ისე ბოროტება, თუ გნებავთ, ბოროტებას, ადამიანის ბუნების ცუდ, მდაბიო მხარეებს უფრო დიდი ადგილი უჭერია სცენაზე. კიდრე კეთილ, ნაშღილ ადამიანურ მხარეებს, ე. ი. სცენაზე ისეთ მხარეებს უჩვენებენ ადამიანის ბუნებისას, რომლებიც უნჯობესი იქნებოდა დაგვემალა მათგან მიინც, ვინც მათი თანაზიარი არ არის. პედაგოგიური მოსაზრება, რომ ბავშვა შეცდომა ვერც თვალთ უნდა დაინახოს და ვერც ყურით უნდა გაიგონოს, აქაც ძალაში რჩება. სცენაზე კი აღსაზრდელ ხალხს თვალ წინ ეხატება ბოროტება მთელი თავის სიშიშველით, დაუფარავად, მას ესმის მისი ხმა, გრძობს მის შეხებას, განიცდის მის სიტკბოებას. ტარიელ მკლავაძე ერთგვარი ბოროტების განსახიერებაა, მას უნდა, მას სწყურია შეურაცკოს საბრალო სოფლის მასწავლებელი, მას ხიზლავს სიტკბოება თავის ბოროტ სურვილის ასრულებისა. გმირის ასეთი მოქიშული მდგომარეობა იტაცებს უპრინციპო მაცურებლებს, იგინი თითქოს თითონ სდგებიან გმირის მდგომარეობაში, თითონ განიცდიან მის ზნობრივ დაკმაყოფილების სურვილს და აი როცა ტარიელი მიზანს ახწვეს და შეურაცხებას აუწენს მასწავლებლის ცოლს, ბრბო გრიალებს, ტაშს უკრავს, ვაშას შესძახის, ვითომ თითონ მოკლას საკუთარი ენის, თითონ ეგემოს ტარიელის კმაყოფილება.

ბ. ჩიკვაძე სტირის და გოდებს ამის შეხახებ და თავისებურ რეცეპტს უწერს თეატრის ხელმძღვანელებს. იგი ურჩევს მათ წინდაწინვე გააცნონ ხალხს პიესის შინაარსი. მაგრამ ჩვენი აზრით ეს საკმარისი არ იქნება, რომ უპრინციპო მაცურებლებმა თავის დროზე ვაშა დაიძახონ. საქირია სცენაზე ერთი მოკარნახე დაიყენონ, რომელიც თავთავის დროზე უკარნახებდეს ხალხს აქ გაიცინეთ, აქ იტირეთ, აქ ვაშა დაიძახეთ, აქ ტაში დაუკარით და სხვა... უამისოთ, ვერ შეაგნებინებთ ზნეობის პრინციპებს მოკლებულ ხალხს სათეატრო ეთიკას.

ძრიელ დახელოვნებული მსახიობია საქირი, რომ ხალხს აგრძნობინოს ნამეილი ზნეობრივი სისაძაგლე და აატიროს, ააძგეროს მისი გული სიკეთისადმი, მაგრამ სად უნდა ვიპოვოთ ასეთი იშვიათი მსახიობი სოფლის თეატრისათვის? ხელოვანი მსახიობი ჩვენში, არა თუ სოფელში, ქალაქშიდაც არ მოიპოვება, უბრალო კლოუნი კი ბევრია, მაგრამ, რა შეუძლია მათ, გარდა გემოვნების გაფუჭებისა ხელოვნების დაფასებაში. ამიტომ გლახა თეატრს, სულ არ ქონა სჯობია და ჩვენ გულწრფელად ურჩევთ საგარეჯოს საზოგადოებას თავის თეატრის შენობა სხვა რაიმე სასარგებლო დაწესებულებათ გადააქციოს, საიდგანაც ხალხი უფრო მეტ სულიერ და ნივთიერ სარგებლობას გამოიტანს.

ამბობენ კიდევ თეატრი სარკვა ცხოვრებისაო. ჩვენ თანხმანი ვართ თეატრის ასეთი მნიშვნელობისა, მაგრამ სარკვს ერთი რამ ზნესკირს. რაც უფრო მეტს ჩასჩერებხარ, მით უფრო მეტ ღირსებას ჰპოვებ შენს სახეში, თუ გინდ ქვეყნის თვალში მახინჯიც იყო. ამნაირათ ეჩვევი და იყვარებ შენს სიმახინჯეს და აზრათაც არ მოგდის თავის გაუმჯობესობა. კრილოვის მაიმუნს რო ათასჯერ და ათათასჯერ ჩაეხედნა სარკეში, ისე შეეჩვეოდა თავის სიმახინჯეს, რომ აღარ მიიღებდა შრომას თავის ნათლიმამების თითებზე ჩამოთვლისას. ეს რამოდენიმე ასი წელიწადი იქნება კაცობრიობა ევროპიული თეატრის ფართო სარკეში ჩაიყურება, ხედავს თავის სიმახინჯეს და მიუხედავად ამისა ისევ მახინჯი რჩება.

იგი შეეჩვია თავის სიმახინჯეს იმდენათ, რომ ველარც კი ამჩნევს მას და, არა თუ ვერ ამჩნევს, არამედ სიკეთეთაც მიჩნია. და ასეთი თილისმა სარკე ჩვენ მოქირნახულე ვაებატონებს სოფლადაც უნდათ გაიტანონ. სასაცილოა, რომ სამწუხარო არ იყოს: ჯერ ხალხს ანა-ბანა არ უსწავლია, მარჯვენას მარცხენისაგან ვერ არჩევს და თეატრებს უშეწებენ. ყვავს რომ თვალთ არ ება და წამწამებს თხოვდა ღმერთს, სწორეთ ისე გვემართება.

შკიდურესი.

კვირიღამე-კვირამღე.

რედ. მღვდ. ს. მკვიდლიძემ ვრცელი მოხსენება წარუდგინა მის შეუფხვას საქართველოს ექსარხოს პიტირიმს შესახებ ქართულ სასულიერო გამოცემის საკიროებისა. მისმა შეუფხვებამ თანაგრძნობით მიიღო მოხსენება და აღუთქვა დახმარება.

წელს სამღვდლოების დამატებით ჯამაგირად როგორც გადმოგვცეს, გამოსულა საექსარხოსოზე 30,000 მ. რომელთაგან იმერეთის ეპარხიისთვის გადაღებულ იქმნა 10,000 მან.

როგორც სარწმუნო წყაროებიდან ვაიგვით მოწამეთას უბრუნდება ყოფილი წინამძღვარი არხიმანდრიტი ნესტორი. ახლანდელი წინამძღვარი არხიმანდრიტი დოსითეოზი შუამთის მონასტერში გადუყვანიათ იმავე ადგილზე.

თბილისიდან 18 სექტემბერს გააცილეს ყოფილი მეფის მოადგილე კავკასიაში გრაფი ეორანცოვ-დაშკოვი. გაცილების დღესასწაულობაში მხურვალე მონაწილეობას უფრო სომხები ღებულობდნ.

სასულიერო საბჭო. მის შეუფხვას მ. ყ. უ. პიტირიმს თავის ეპარქიაში დაუწესებია სასულიერო საბჭო, რომელშიდაც მონაწილეობას ღებულობს ოთხი მღვდელი და ერთი ეპისკოპოზი, დღეს ყ. ს. ანტონი. ამ საბჭოს მოვალეობა, მღვდლების და მედავითნეების განწესება და გადაყვან-გადმოყვანაა, რასაც ამტკიცებს თვით მისი მ. ყ. უსამღვდლოესობა. ურიგო არ იქნება ჩვენშიდაც დაარსდეს ასეთი საბჭო. ეპისკოპოსს უამისოთაც ბევრი საქმე აქვს უფრო საყურადღებო; მისი მ. ყ. უსამღვდლოესობის მოტივიც ეს ყოფილა, როცა განუძრახავს ხსენებული საბჭოს დაარსება.

მისი უდიდებულესობის მოადგილე კავკასიაში მათი იმპერატორებითი უმალღესობადილი მთავარი ნიკოლოზ ნიკოლოზის ძე თბილისის 23 ენკენისთვის ჩამობრძანდა.

გალობის საქმე ქუთაისის სობოროში.

„მოთმინებითა შენითა, მოიპოვე სული შენიო“, ნათქვამია და აფერუმ ქუთაისის მართლმადიდებელ საზოგადოების მოთმინებას! რამდენი ხანია ქუთაისის სობოროში დაიკარგა გალობა და საზოგადოება ითმენს დაუსრულებლად. ჯერ იყო და ბ. კუჭაიძის ხორამ ამოგვართვა სული, შემდეგ ვასილიევის ხორამ შეგვიღონა გული, ამ ბოლო დროს ხანთაძის ხორამ წაიღო ყურთა სმენა. ეხლა სულ დაღუპდა, სულ აღარ იმის გალობა, თითქო საქროც არ იყოს. ერთი მხრით არც დასაძრახისია, რადგან გლახის ყოლას არ ყოლა სჯობია, მაგრამ რა გასამართლებელი საბუთი აქვს სობოროს პატრონებს, როცა შესაძლებელიც არის და მოსახერხებელიც კარგი ხოროს შედგენა.

როგორც ვიცით 1600 მანათია დაღებუბული მგალობელთა გუნდისთვის. ამ თანხას რომ კიდევ ცოტა რამ დაემატოს და ორი ათას მანეთად შესრულდეს, ისეთი გუნდი შეიძლება შესდგეს მკოდნე და გამოცდილი ლოტბარის მეთაურობით, რომლისაც არ შერცხვება აღამიანს, რომელიც ქართულადაც შეიძლებს გალობას და სლავიანურადაც საკიროების დროს. ამ თანხის შედგენა არ არის ძნელი თუ მხედველობაში მივიღებთ იმ გარემოებას, რომ სობოროს 17 ათასიანი თანხა უდევს ხაზინაში, რომელიც წელიწადში 500—600 მანეთს სარგებელს იძლევა.

მაგრამ, რთვორც ეხედავთ, არც საკუთარი 1600 მან. იხარჯება დანიშნულებისამებრ და ამიტომ გალობაც დაიკარგა სობოროდან. ამბობენ, მგალობელთა გუნდი ამ ერთი წლობით სულ არ იქნება სობოროში, რადგან ზემოხსენებული 1600 მანეთი საქაროა სამღვდლო და საეპისკოპოზო შესამოსლებისათვისო. რა თქმა უნდა, ესც კაი საქმეა, მაგრამ ამისთვის სხვა წყარო უნდა მოიძებნოს, ხოლო გალობას თავისი-საშუალება არ უნდა მოეშა

ლოს. რადგან გადობა წირვის ნაწილია და ხელკეთესო ნაწილიც.

რამდენი საუვედური, რამდენი სამღერავი და ყრუ უკმაყოფილება ისმის საზოგადოებაში მსაგნის თაობაზე, მაგრამ ვის ესმის? საქმე ისეთ მსვლელობას ღებულობს დღეს, თითქო სობორთ და საზოგადოდ ეკლესიები სამღვდელთაგანს ეკუთვნოდეს და არა ხალხს, რომელსაც ნება აქვს თავის მოთხოვნილება განაცხადოს მის შესახებ მართლმადიდებელ სარწმუნოების ფარგალში. ეკლესიაც ხალხისთვის არის და წირვალაც მისთვის სრულდება, ჩვენი შეხედულებით, და ნუ თუ მის მას არ უნდა მიეცეს ყურადღება? თუ არ მიეცევა და ხალხი ეკლესიას სრულებით მიატოვებს და მწყემსი სამწყსას გარეშე დარჩება. ისეთ ნიშნებს, საუბედუროთ, დღესაც ვხედავთ.

ძველი მეგობარი.

მეფის მადგილის ჩამობრძანება თბილისში.

მეფის მადგილზე მისა ი. უმაღლესობა ნიკოლოზ ნიკოლოზის ძე 23 ამა თვეს ჩამობრძანდა თბილისში. ვაგხალხე და სასახლეში სიტყვებით მიეგებენ სხვა და სხვა დაწესებულებების წარმომადგენლები. მოგვეყავს სიტყვები მისი მეუღლის ექსარხოსის პიტირიმის და ქუთაისის თავადაზნაურთა წინამძღოლის თ. დ. ი. ნიკარაძისა.

სიტყვა საქართველოს ექსარხოსის პიტირიმისა.

საქართველოს ექსარხოსმა შემდეგი სიტყვით მიმართა დიდ მთავარს:

„თქვენო იმპერატორებოთი უმაღლესობაჲ! როდესაც უმაგალითო მძიმე განცდის წელს რუსეთის მიწა-წყალი მპყრობელის სურვილის თანახმით, თქვენმა იმპერატორებით უმაღლესობამ თავს იდევით ხვედრი უმაღლეს წინამძღოლობისა, ძვირფასი სამშობლოს შეიარაღებულ ძალთა და კურთხეულ მთავარ სარდლობით გვეუდეთ შეხედრობა რუსეთისა სახელოვან გამაგებებისადმი, დიდი ხელმწიფის სახელის დასაცავათ, და საყვარელ სამშობლოსადიდებლათ ჯვარმტრთველ საქართველოს ყველა შეიღათა დიდი თანახმად სძვერდა ერთი ძლიერი გრძნით რომ მალე წასულიყვენ ბრძოლის ველზედ და მოვიწყვით.“

და რა ბედნიერი იყო შემდეგ გვირი საქართველო იმ შეგნებით, რომ მის მამაც შეიღებდაც, იქ. შორეულ დასავლეთში, კვლავ შეძლება ეძლეოდან საქმით დამტკიცებინათ თავისი უსამზღვრო სიყვარული კეთილ მოთწმუნე ხელმწიფისადმი, და თავისი სამარადისო სიყვარული საერთო სამშობლოსადმი, ერთ მოწმუნე რუსეთისადმი. იმ გადახდილი მინდვრები დასავლეთისა და კარპატის მთები, მოწმენი არიან იმისა, რომ საქართველოს შეიღებს არ შეეუტყვენიათ მამაპაბური ანდერძი ვაეკაცობისა. ეხლა კი, როდესაც ლეთივ მირონცხებულმა თვით იკისრა უმაღლესი წინამძღოლობა მტერზე ამხედრებულ თავის ხალხისა და თქვენ კი მოგიწოდათ დიდ სამუშაოსადმი ლეთისმშობლის წილხდომილ ქვეყანაში, ეხლა მონარხის ასეთ ახალ და მალალ განსაკუთრებულ ყურადღებით გაბედნიერებულია ერთგული მეფისა მთელი ქალარა კავკასია, განურჩევლათ ენისა და ეროვნების. სიხარული კი გაბედნიერებული საქართველოსი ვადიქცა უსაზღვრო ლხენად ქალაქებშიც და თოვლიან მწვერვალებზე და მთის ხეობებშიც. დე, კურთხეულ იყოს ბედნიერი გული ივერიის კეთილ შეიღათა—მისი ბედი ეხლა აბარია სამეფო ოჯახის სახელოვან მოდგმის წვერს.

თქვენო იმპერატ. უმაღლესობაჲ! ჩვენი სარწმუნოების დიდ განცდის დღეებში შემოსდგითთქვენ ფეხი ლეთისმშობლის წილხეთომილში. მაგრამ როგორც აჰ წმინდა ტაძრის ასწლოვან თაღების ქვეშ ლოცულობდა ჯვაროსანი საქართველო ეამსა მძიმე ნგრევისა საკუთარ ბედისა და ლოცვით მიუღია გამარჯვების ძალა, ეგრეთვე გეწამს, რომ ლეთისმშობელი მიანიჭებს ეხლაც სრულ გამარჯვებას მტრებზე თვის ერთგულ მონას, კეთილმოწმუნე თვითმპყრობელს ჩვენსას და მამაც მოკავშირეებს ჩვენსას. იგივე უშველის თქვენს იმპერატორებით უმაღლესობას მის ქვეყნიურ წილხდომილისთვის მალალ სამსახურში.

საინით აკურთხის დემეტრე შეშისყვანა თქვენსი

სიტყვა ქუთაისის კუბერნიის თაჲ.—აზნ.

წინამძღოლის თაჲ. დ. ი. ნიკარაძისა

თქვენო იმპერატორებოთი უმაღლესობაჲ! აღნიღად გასაგებ მღელვარებით მოელოდა მთელი ეს დღეები ქართველი თავადაზნაურთა

ბა ქუთაისის გუბერნიისა თქვენი იმპერატორბითი უმაღლესობის ჩამობრძანებას საქართველოს ძველს დედა — ქალაქში. გასაგებზე აღტაცებათ ეგებება თქვენს მობრძანებას მთელი ქართველი ხალხი, რომელიც ხედავს ამაში ნიშანს მონარქის კეთილმზნებლობობისას ამ ქვეყნისადმი და თქვენი პირადი განწყობილებისას მის შესოვრებლებისადმი. ვიდრე ჩვენი სამშობლოს ეს დასერილია შავის ღრუბლით, ქართველი ხალხის მთელი ზრახვანი მამართულია მტერთან ბრძოლაზე. ამ ბრძოლის გულისთვის ჩვენი სამშობლოს შვილები თავდადებულად ღერიან სისხლს ბძოლის ველზე მხარ და მხარ ერთ მორწმუნე ძმებთან. ამ ბრძოლის გულისთვის, რომელიც ძალთა გამრავლებას მოითხოვს, დროებით დაიჩრდილენ ყველა მწვავე კითხვები, რომლებიც გადაბმულია ივერიის ეკლესიის მოწყობასთან, სკოლასთან, თვითმართველობის და სამშობლო ტერიტორიის შენარჩუნებასთან. ჩვენ ვითმენთ ყველა სიმძიმეს თანამედროვე ხანისას, რომელიც გამოწვეულია არა მარტო ომის ამბებით, არამედ სტიქიურ უბედურებისაგან, რომელმაც მთელი ქვეყანა სიმშოლსა და უმწეობაში, ჩააგდო.

მაგრამ მალე ვაისმება ხმები გამარჯვებულის და მოდღესასწალე სიმღერისა, გადავიდნენ ქარიშხალი და უბედურებანი და კეთილი მზე გაათბობს რუსეთის ქვეყანას და მასთან ერთად მრავალ ტანჯულ ჯვართმტვირთველ საქართველოს.

თქვენო იმპერატორობითი უმაღლესობაჲ! ყოველი ქართველის სულში სკოცხლობს უღრეკი რწმენა, რომ რაკი თქვენი იმპერატორობითი უმაღლესობა გაიკნობს სურვილებს და ღტოლვას ქართველის ხალხისას, კეთილ ინებებთ და აირჩევთ იმ გზას საშინაო პოლიტიკისას, რომელიც შეეფერება სავსებით სახელმწიფო ინტერესებს და ქართველ ხალხსაც დააკმაყოფილებს.

აღრფთოვნებული იმედებით, რომ თქვენი მართვა ქვეყნისა საქართველოს მწუხარე ისტორიაში ახალ სიონს შეიტანს დამშვიდებისას

და დაკმაყოფილებისას მის ეროვნულ მისწრაფებაში, დასავლეთ საქართველოს თავდაზნაურობა თავს უკრავს თქვენს იმპერატორობითი უმაღლესობას და მთელის გულით დილაღეს: მშვიდობა მობრძანებასა შენს!..“

გ ა ნ ც ხ ა დ ე ბ ა .

გამოვიდა და ისყიდება კ. ოცხელის და ამხანაგობის წიგნის მალაზიაში საღვთო სჯულის სახელმძღვანელო: საღვთო ისტორია ძველი და ახალი აღთქისა შემოკლებული ლოცვანით, ღვთის მსახურებით და კატეხიზმითი, შედგენილი მღვდლის ს. მჭედლიძის მიერ თანახმად უწ. სინოდის პროგრამისა ყოველგვარი დასაწყისი სახალხო სკოლებისათვის. ფასი 1000 შაური. ვინც ათობით გამოიწერს მანეთზე ერთი აბაზი დაეთმობა.

სამხატვრო სახელოსნო ბ. ი. ქირიაკოვისა. ქ. ქუთაისში.

ღებულობს ყოველგვარ საეკლესიო სამუშევარს, ასრულებს დროზე, სუფთად საიმედოთ და სინდისიერათ. ფასები ღირსებაზე და ზომებზეა დამოკიდებული და ყოველ შემთხვევაში ხელსაყრელია. თუნამუშევარი მოწონებული არ იქნება სანადად მთავრობისაგან უკანვე ღებულობს ან ასწორებს იმავე მთავრობის შენიშვნისამებრ.

მისამართი ქუთაისი თბილისის ქუჩა წმ. სანთლის დუქნის მახლობლად.

რედაქტორი. ხ. მჭედლ ძე.

გამომც.: იოსებ ლეჟავა.

ხებადართულია სამხ. გენზორისაგან. ქუთაისი სტამბა „ძმობა“ ქარვასლის ქ. სახლი ჩარეკოკისა.